

Den e proyecto "Solid waste treatment facility":

Pa e incinerator a expande te 31 di Juli pa companianan mustra interes plus 90 pa oferta

ORANJESTAD (AAN) – Minister Otmar Oduber tabata na encargo di e conferencia di prensa di Gobierno, di Dialuna. E prome di tres tema cu el referi na dje ta e destaho publico pa e proyecto di "Solid Waste Treatment Facility" (SWTF). E mandatario a relata cu gobierno a cana un proceso bastante largo di casi un aña y mey relaciona cu e maneho di desperdicio na Aruba, y esaki na prome lugar, den cuadro di e remediacion cu mester tuma lugar na Parkietenbos, con pa uza esaki den futuro, y crea un "sanitary landfill" nobo.

Esaki ta nifica cu lo tin un dump bon organiza, na un forma cu ta separa y maneha e desperdicionan cu ta

wordo crea, y di otro banda y di otro banda elimina e sushi atravez di un planta, pa cual dos destaho publico a tuma lugar. Den cada un di e destahonan publico aki a participa un compania local, cu na e momentonan aki ta wordo evalua. E mandatario a subraya cu e ta hopi contento cu e confianzanan di companianan di Aruba mes. Pa loke ta concerni e di tres destaho pa e planta conoci den boca di pueblo como e incinerator grandi, diahuebs ultimo esaki a keda sin resultado. Tabata tin 16 participante den e "bid walk". Kiermen, nan a bin Aruba, cana e proceso, haci e preguntanan necesario pa haci nan oferta riba e bestek cu gobierno a pone, pero esaki no a resulta den



un compania cu a mustra interes pa entrega un oferta. E mandatario a menciona cu tabata tin varios di companianan aki cu a pidi mas tempo. Esaki ta loke mas a bin dilanti, mirando cu e ta un proyecto compleho y di gran magnitud. Pues no tur dia tin cu ta bende un

planta asina aki y menos den nos region. Diabierna, e mandatario a duna di conoce, a bolbe reuni den e seno di e team tecnico, pa loke ta concerni un planta grandi di incineracion di sushi. E dignatario a splica cu awor nan a drenta den un parti nobo, unda cu Diabierna

ultimo a dirigi un carta na tur e 16 companianan cu a doemee na e "bid walk" unda cu gobierno ta duna nan te dia 31 di Juli aki, kiermen te otro siman, pa mira si nan tin interes ainda pa entrega un oferta, dunando nan un periodo adicional di 90 dia den cual nan por entrega nan oferta. E carta aki a sali Diabierna, e minister reitera, y esaki ta nifica cu lo mira den e transcurso di otro siman te cu 31 di Juli, cu ta e deadline, si tin interes. E mandatario a subraya cu interes a wordo mustra caba di parti di e companianan pero dia 31 di e luna aki lo sa definitivamente si tin y cuanto compania lo kier participa den dicho proceso.